

SUK.D200(06)600/9/Jld.19(17)



KERAJAAN NEGERI KELANTAN

PEKELILING PERKHIDMATAN NEGERI BILANGAN 1 TAHUN 2026

BANTUAN KHAS KEWANGAN (BKK) TAHUN 2026

1. TUJUAN

Pekeliling Perkhidmatan Negeri ini adalah bertujuan untuk memaklumkan keputusan Kerajaan Negeri Kelantan mengenai Bantuan Khas Kewangan (BKK) Tahun 2026 kepada Anggota Perkhidmatan Awam Negeri Kelantan dalam Kumpulan Pengurusan Tertinggi, Kumpulan Pengurusan dan Profesional serta Kumpulan Pelaksana serta lantikan politik dan turut dipanjangkan kepada lantikan Personel MySTEP sempena Hari Raya Aidilfitri Tahun 2026.

2. LATAR BELAKANG

2.1 Kerajaan Negeri Kelantan melalui persidangan Majlis Mesyuarat Kerajaan Kali Ke 4 Tahun 2026 yang disahkan pada 11 Mac 2026 telah membuat keputusan bersetuju meluluskan Bantuan Khas Kewangan (BKK) Tahun 2026 kepada Penjawat Awam Negeri Kelantan sebanyak RM500.00 bagi Kumpulan Pengurusan Tertinggi, Kumpulan Pengurusan dan Profesional serta Kumpulan Pelaksana sempena Hari Raya Aidilfitri Tahun 2026.

2.2 Di samping itu, BKK Tahun 2026 ini juga turut dipanjangkan kepada pegawai lantikan politik serta lantikan Personel MyStep.

3. PEGAWAI YANG LAYAK

3.1 Pegawai yang **LAYAK** menerima Bantuan Khas Kewangan (BKK) Tahun 2026 adalah:

- (i) pegawai Perkhidmatan Awam Negeri Kumpulan Pengurusan Tertinggi;
- (ii) pegawai Perkhidmatan Awam Negeri Kumpulan Pengurusan dan Profesional serta Kumpulan Pelaksana Gred 15 dan ke bawah yang masih berkhidmat pada 12 Mac 2026;
- (iii) pegawai Perkhidmatan Awam Kumpulan Pengurusan Tertinggi, Kumpulan Pengurusan dan Profesional serta Kumpulan Pelaksana yang layak tersebut merupakan;
 - a. pegawai lantikan tetap, sementara, *Contract Of Service (COS)*, Jawatan Berasas Caruman (JBC), Lantikan Tetap Bercarum Negeri (LTBN), *Contract For Service (CFS)* dan sambilan;
 - b. pegawai yang bercuti bergaji penuh;
 - c. pegawai yang bercuti separuh gaji;
 - d. pegawai yang bercuti tanpa gaji; dan
 - e. pegawai yang dipinjamkan termasuk ke agensi yang diasingkan pengurusan saraannya, yang mana BKK Tahun 2026 ini akan dibayar oleh agensi yang menerima peminjaman pegawai.
- (iv) Personel MYSTEP yang masih berkhidmat pada 12 Mac 2026;

- (v) guru interim;
- (vi) pemandu yang dilantik sendiri oleh pegawai Gred Jawatan Utama B dan ke atas, serta Gred Khas A dan ke atas yang layak pemandu tetapi tidak disediakan pemandu oleh jabatannya; dan
- (vii) pemandu yang dilantik sendiri oleh Anggota Pentadbiran serta Hakim dan Pesuruhjaya Kehakiman;
- (viii) pegawai Perkhidmatan Awam Persekutuan Kumpulan Pengurusan Tertinggi, Kumpulan Pengurusan dan Profesional serta Kumpulan Pelaksana Gred 15 dan ke bawah yang masih berkhidmat pada 12 Mac 2026 di Jabatan Negeri yang mengisi waran perjawatan Negeri; dan
- (ix) pegawai lantikan politik termasuk:
 - a. Ahli - Ahli Majlis;
 - b. Penghulu (Mukim dan Tanpa Mukim Parlimen/Dun);
 - c. Halaqat (Ketua Pengelola, Timbalan Ketua Pengelola I & II)
 - d. Pengelola Halaqat;
 - e. Pegawai Halaqat;
 - f. Pembantu Halaqat;
 - g. Penyelaras ICT Dun;
 - h. Penyelaras Pembangunan Armalah DUN;
 - i. Guru Al-Quran dan Guru Fardu Ain;
 - j. Guru Institusi Pendidikan Islam Terpilih
 - k. Penyelia dan Petugas Pertubuhan Program Pemulihan Dalam Komuniti (PDK)
 - l. Guru Jahitan (Muribah) Pusat Pembangunan Wanita;

- 3.2 Pesara Perkhidmatan Awam Negeri dan veteran yang dilantik semula secara lantikan tetap, sementara, *Contract Of Service (COS)*, Jawatan Berasaskan Caruman (JBC), Lantikan Tetap Bercarum Negeri (LTBN), *Contract For Service (CFS)* dan sambilan dan masih berkhidmat pada 12 Mac 2026 layak dibayar sebanyak RM250.00 oleh jabatan di mana pegawai sedang berkhidmat.
- 3.3 Pegawai Perkhidmatan Awam Negeri yang meninggal dunia pada 12 Mac 2026 layak diberi BKK Tahun 2026 sebanyak RM500.00 yang akan disalurkan kepada waris gemulah.
- 3.4 Pegawai yang memenuhi lebih daripada satu kelayakan di bawah pekellling ini hanya layak menerima satu (1) kemudahan sahaja berdasarkan kadar kelayakan yang tertinggi.

4. PEGAWAI YANG TIDAK LAYAK

- 4.1 Pembayaran ini tidak layak diberikan kepada;
- (i) pegawai yang dikenakan hukuman tatatertib buang kerja atau turun pangkat dalam tempoh **1 Januari 2026** hingga **12 Mac 2026**;
 - (ii) pegawai yang tidak hadir bertugas secara berterusan tanpa cuti, atau tanpa terlebih dahulu mendapat kebenaran Ketua Jabatan, atau tanpa sebab yang munasabah sepanjang tempoh **1 Januari 2026** hingga **12 Mac 2026**;
 - (iii) pegawai yang ditamatkan perkhidmatan demi kepentingan awam dalam tempoh **1 Januari 2026** hingga **12 Mac 2026**;
 - (iv) pegawai yang meletak jawatan dalam tempoh **1 Januari 2026** hingga **12 Mac 2026**; dan
 - (v) pegawai berpencen yang melepaskan hak pencen kerana menyertai Badan Berkanun Yang Diasingkan Saraan (BBDS).

- 4.2 Pegawai yang ditahan kerja, digantung kerja atau surat pertuduhan telah dikeluarkan oleh Pihak Berkuasa Tatatertib (PBTT) akan **ditangguhkan** pemberian BKK Tahun 2026 ini. Pegawai hanya layak dibayar BKK Tahun 2026 setelah dibebaskan daripada pertuduhan tatatertib atau dikenakan hukuman selain buang kerja atau diturunkan pangkat oleh PBTT yang berkenaan.

5. PELAKSANAAN PEMBAYARAN

Pegawai yang layak sebagaimana di perenggan 3 akan dibayar mengikut kadar sebagaimana berikut:-

BIL	KATEGORI PEGAWAI	JUMLAH (RM)
1.	Pegawai Perkhidmatan Awam Negeri Kumpulan Pengurusan Tertinggi, Kumpulan Pengurusan dan Profesional serta Kumpulan Pelaksana Gred 15 dan ke bawah yang masih berkhidmat pada 12 Mac 2026 adalah merupakan: a. pegawai lantikan tetap, sementara, Lantikan Tetap Bercarum Negeri (LTBN), <i>Contract Of Service</i> (COS), Jawatan Berasaskan Caruman (JBC), <i>Contract For Service</i> (CFS) dan sambilan; b. pegawai yang bercuti bergaji penuh; c. pegawai yang bercuti separuh gaji; d. pegawai yang bercuti tanpa gaji; dan e. pegawai yang dipinjamkan termasuk ke agensi yang diasingkan pengurusan saraannya. Bayaran tersebut akan dibayar oleh agensi yang menerima peminjaman pegawai.	500.00

BIL	KATEGORI PEGAWAI	JUMLAH (RM)
2.	Personel MySTEP yang masih berkhidmat pada 12 Mac 2026.	500.00
3.	Pegawai Perkhidmatan Awam Persekutuan Kumpulan Pengurusan Tertinggi, Kumpulan Pengurusan dan Profesional serta Kumpulan Pelaksana Gred 15 dan ke bawah yang masih berkhidmat pada 12 Mac 2026 di Jabatan Negeri yang mengisi waran perjawatan Negeri.	500.00
4.	Pegawai Lantikan Politik adalah termasuk: a. Ahli - Ahli Majlis; b. Penghulu (Mukim dan Tanpa Mukim Parlimen/ Dun); c. Halaqat (Ketua Pengelola, Timbalan Ketua Pengelola I & II) d. Pengelola Halaqat; e. Pegawai Halaqat; f. Pembantu Halaqat; g. Penyelaras ICT Dun; h. Penyelaras Pembangunan Armalah DUN; i. Guru Al-Quran dan Guru Fardu Ain; j. Guru Institusi Pendidikan Islam Terpilih; k. Penyelia dan Petugas Pertubuhan Program Pemulihan Dalam Komuniti (PDK); l. Guru Jahitan (Muribah) Pusat Pembangunan Wanita;	250.00

BIL	KATEGORI PEGAWAI	JUMLAH (RM)
5.	Pesara Perkhidmatan Awam Negeri dan veteran yang dilantik semula secara lantikan tetap, sementara, <i>Contract Of Service (COS)</i> , Jawatan Berasaskan Caruman (JBC), Lantikan Tetap Bercarum Negeri (LTBN) <i>Contract For Service (CFS)</i> dan sambilan dan masih berkhidmat pada 12 Mac 2026.	250.00
6.	Pegawai Perkhidmatan Awam Negeri yang meninggal dunia pada 12 Mac 2026.	500.00

6. TARIKH PEMBAYARAN

- 6.1 BKK Tahun 2026 akan dibayar mulai pada **12 Mac 2026** dan menjadi tanggungan jabatan di mana pegawai berkhidmat pada tarikh pembayaran.
- 6.2 Pemberian BKK Tahun 2026 ini turut dikecualikan cukai pendapatan selaras dengan peruntukan di bawah subseksyen 127(3A) Akta Cukai Pendapatan 1967.

7. TARIKH KUAT KUASA

Pekeliling Perkhidmatan ini berkuatkuasa mulai **tarikh Pekeliling Perkhidmatan Negeri Ini dikeluarkan.**

8. PEMAKAIAN

Pekeliling ini terpakai kepada Pihak Berkuasa Tempatan Negeri dan Pihak Berkuasa Badan Berkanun Negeri untuk diterima pakai.

Sekian, terima kasih.

“ISLAM DIJUNJUNG, RAKYAT BERSATU, NEGERI BERKAT, RAJA BERDAULAT”

“SEMOGA ALLAH MELINDUNGI TUANKU DUNIA DAN AKHIRAT”



DATO' HAJI AZI RAHIMEE BIN MOHAMED, D.P.S.K (Kelantan)

Timbalan Setiausaha Kerajaan (Pengurusan)

PEJABAT SETIAUSAHA KERAJAAN

NEGERI KELANTAN

Bertarikh : 21 Ramadan 1447H
11 Mac 2026

SENARAI EDARAN:

- Yang Berhormat Dato' Setiausaha Kerajaan Negeri Kelantan
- Semua Ketua Jabatan Negeri
- Semua Pihak Berkuasa Tempatan Negeri
- Semua Pihak Berkuasa Badan Berkanun Negeri
- Semua Ketua Bahagian, Pejabat Setiausaha Kerajaan Negeri Kelantan